

Expertonan buscando e origen di Papiamentu

ORANJESTAD - Ayera a tuma luga e di dos dia di e conferencia linguistico cu ta tumando luga na Holiday Inn Beach Resort, Aruba. E conferencia aki lo continua te dia 8 di augustus. Durante e conferencia profesionalnan internacional a elabora riba historia, expresion di idioma, idiomanan co-

mun na otro y mas.

E mainta a cuminsa cu un secuencia similar na esun cu nos matutino a publica ayera. Mainta trepan e registracion di e delegacionnan a tuma luga pa prepara pa cuminsa cu e prome charla pa 9or di mainta. E sesion aki ta e prome di e dia pero ta e di 7 sesion di un total di 17

sesion cu lo tin durante e dianan di e conferencia.

Sesion cortico

E sesion ayera tabata tin un duracion di 2 ora cu ta consisti di 6 diferente charla cortico y alabes informativo, presenta pa diferente profesional. Locual cu Bon Dia Aruba a tuma nota di dje ta e 20 pa cada topico cu ta pone esunnan presente pone hopi atencion y capta di biaha locual cu e informacion ta.

Continua riba Pagina 7



Origen di Papiamentu

Continuacion di Pagina 6

Na final di cada uno personan a haya oportunidad pa haci algun pregunta prome cu sigui cu e otro.

Topiconan di charla

Algun di e temanan cu a wordo trata ayera tabata riba e lengahe Creole, manera e largura y frecuencia di palabranan y e fenomeno cultural, idioma Papiamentu, local cu Aruba, Boneiro y Corsou tin den comun cu Malacca, Evaluacion di navi cual ta un Creole cu origen di Jamaica y mas.

En comun cu Malacca

E idioma ta yama Papi Kristang y Papiamentu y Papiamentu tin cosnan en comun cu otro. E discusion di e origen di papiamentu ainda ta controversial, como cu e ta wordo categorisa pa algun experto pa Creole Spaño y pa otro Creole Portugues, segun Marco Schaumlöeffel, di University of the West Indies, Cave Hill. A pesar di esaki estudionan haci mas recien ta indica cu e origen ta mas di parti West di Africa, cual ta laga poco espacio pa speculacion si Papiamentu tin un origen Spaño, sr. Schaumlöeffel a duna di conoce.

E meta di e charla tabata pa trece mas evidencia na favor di e origen di Papiamentu haciendo un investigacion unico riba e historia linguistico cu ta conecta Papiamentu cu Papi Kristang. Historia basa riba linguista ta local ta conecta e data y alabes ta evidencia natural di e conexcion di e dos idiomanan, sr. Schaumlöeffel a bisa.

Comparacion

na prome instante e ta muestra straño pa compara un Creole Portugues desaroya na parti Zuid Oost di paisnan Asiatico, cu un otro Creole papi na paisnan cu a wordo colonisa pa Hulandes den e region Caribense, pa motibo cu nan ta asina leu for di otro. "Pero Papi Kristang por wordo studia como cu e no tin influencia Spaño den dje".

E linguistanan den papiamentu cu ta wordo comparti cu esun den Papi Kristang ta wordo compara pa 4 aspecto cu ta hopi relevante segun sr. Schaumlöeffel. E categorianan gramatical aki ta e formacion y uzo di "Tense, Mood, Aspect (TMA)". E uzo multifuncional di "cu", y anali-



sis di diferente verbo y uzo gramatical.


Evidencia

e evidencia segun sr. Schaumlöeffel ta indica cu e origen di Papiamentu no por wordo analisa y compronde si historia Portugues di e lengahe ta wordo ignora. E conexcion aki ta wordo forma for di e parti west di Africa y e Creole Portugues cu ta wordo papi den e region ey. Posiblemente esaki a wordo influencia tambe pa e emigracion di Hudiunan y nan sirbidonan cu a bini for di Brazil Hulandes e tempo ey y Corsou.

Aunke cu no ta conecta directamente cu e Creole Portugues di West Africa, Papi Kristang ta forma parti di un herment ideal pa comparacion den e caso aki como e no tin influencia di Spaño aden, sr. Schaumlöeffel a remarca. Cu e investigacion aki ta conclui cu Papiamentu definitivamente tin e base importante di e Portugues y Portugues Creole den e formacion di e idioma. Asina sr. Schaumlöeffel a finalisa su charla.

Keynote speakers

Despues di mas o menos dos ora e delegacion cu ta na Aruba ta haya break pa relaha un rato y pa continua cu mas di e charlanan riba e planifi-



cacion di e dia ey. Despues di 5'or di atardi e "Keynote speakers" a hiba palabra riba e balor di Caboverdiano y e logronan di Papiamentu den e milenio nobo.

Programa awe

Awe un biaha mas e conferencianan ta continua for di mainta trempa unda cu lo continua cu e analisis di e diferente idiomanan den

e paisnan den Caribe, enfocando ariba e conexcion y origen di esakinan y nan influencia. Awe por spera 4 sesion un biaha mas di e expertonan riba lengahe den Caribe. Enfoke lo wordo poni riba "Nigerian Pidgin y Chanaian Pidgin" esaki lo wordo presenta den Ingles.

Analisis di e Papiamentu di islanan A B C pa relaciona

y reconstrui e conexcion di e islanan aki cu Venezuela. Y tambe estudionan haci riba adultonan di Caribe cu ta siña diferente lengahe, e pregunta cu lo wordo contesta ta si e adultonan aki ta siña un lengahe cu no ta completo. Esaki ta algun di e temanan cu lo tin riba e planificacion di awe, pa tin un bista di e direccion di e conferencia. □